



Bosnia and Herzegovina
Federation of Bosnia and Herzegovina

CANTON SARAJEVO
Ministry of Labour, Social Policy, Displaced
Persons and Refugees

OTPREMLJENO

10-09-2019

potpis

Broj: 13-04/2-05-28360/19
Sarajevo, 08.08.2019. godine

Na osnovu člana 76. stav (2) Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, broj: 38/14 – Prečišćeni tekst, 38/16, 44/17 i 28/18), Ministarstvo za rad, socijalnu politiku, raseljena lica i izbjeglice Kantona Sarajevo, donosi

ODLUKU
O DAVANJU SAGLASNOSTI NA PRAVILA O IZMJENAMA I DOPUNI PRAVILA
KANTONALNE JAVNE USTANOVE “GERONTOLOŠKI CENTAR” SARAJEVO

I

Daje se saglasnost na Pravila o izmjenama i dopuni Pravila Kantonalne javne ustanove “Gerontološki centar” Sarajevo broj: 13-999/19 od 15.07.2019. godine, koja je Upravni odbor ove ustanove donio Odlukom broj: 13-998/19 od 15.07.2019. godine.

II

Ova odluka stupa na snagu danom donošenja.

Pripremila: Aldina Šantić, viši stručni saradnik
Kontrolisao: Nurija Hodžić, pomoćnik ministra

Belma Trajkov, sekretarka Ministarstva /

MINISTAR

Malik Garibija

Dostaviti:

1. Kantonalna javna ustanova “Gerontološki centar” Sarajevo
Ul. Aleja Bosne Srebrene br. 7, 71000 Sarajevo
2. Direktor
3. Upravnom odboru
4. Nadzornom odboru
5. Ministar

6/a/a



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090

Sarajevo, Reisa Džemaludina Čauševića 1



Quality management system
ISO 9001
• Customer focus
• Customer satisfaction
• Continuous improvement
ID 15 100 63666



**P R A V I L A
O IZMJENAMA I DOPUNI PRAVILA
KANTONALNE JAVNE USTANOVE
„GERONTOLOŠKI CENTAR“
S A R A J E V O**

Sarajevo, juni 2019. godine

Na osnovu člana 27. stav 1. alineja 1. Zakona o ustanovama („Službeni list RBiH” broj:6/92, 8/93 i 13/94), člana 76. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“ broj 38/14-Prečišćeni tekst, 38/16, 44/17 i 28/18), člana 27. stav (1), tačka 1) alineja a) i člana 59. stav (2) Pravila Kantonalne javne ustanove „Gerontološki centar” Sarajevo, broj: 07-1070/13 od 26.11.2013. godine, na prijedlog v.d. direktora KJU „Gerontološki centar” Sarajevo, Upravni odbor, na nastavku 13. redovne sjednice, dana 15.07.2019.godine, d o n o s i

PRAVILA O IZMJENAMA I DOPUNI PRAVILA KANTONALNE JAVNE USTANOVE „GERONTOLOŠKI CENTAR” SARAJEVO

Član 1.

U Pravilima Kantonalne javne ustanove „Gerontološki centar” Sarajevo, broj: 07-1070/13 od 26.11.2013.godine, **u članu 14., stav (3), mijenja se i glasi:**

„(3) U okviru djelatnosti, Gerontološki centar pruža sljedeće usluge:

- a) usluge smještaja, u okviru kojih se u smještajnim kapacitetima korisnicima obezbjeđuje potpuno zbrinjavanje i organizovana, sveobuhvatna briga i pružaju socijalne, zdravstvene i servisne usluge (smještaj, ishrana, zdravstvena zaštita i zdravstvena njega, lična i opća higijena, stručni tretman, organizacija slobodnog vremena i odmora, rekreativne i druge aktivnosti),
- b) usluge dnevnog ili poludnevnog boravka, u okviru kojih se korisnicima putem centra za dnevni boravak, uz minimalnu naknadu obezbjeđuje ishrana (ručak, topli napitak), stručna pomoć, servisne usluge (pranje i peglanje veša), održavanje lične higijene (kupanje, šišanje, brijanje), te organizuje slobodno vrijeme, odmor, rekreacija, kulturno-zabavne i druge aktivnosti,
- c) usluge kućne njege i pomoći u kući, u okviru kojih se korisnicima u njihovom domu pružaju usluge zdravstvene njege, lične higijene, pomoći u ishrani i nabavci, te pomoć u obavljanju kućnih i drugih poslova,
- d) obezbjeđuje u zasebnom objektu – prihvatilištu, prihvat, odnosno privremeno zbrinjavanje, ishranu, zdravstvenu njegu, usluge stručnog rada i druge usluge, punoljetnim osobama u stanju socijalne potrebe na području Kantona Sarajevo,
- e) planira i provodi stručne poslove rehabilitacije, resocijalizacije i reintegracije korisnika usluga, u okviru kojih se se obavlja stručni, savjetodavni, edukativni i analitički rad, odnosno pruža stručna i savjetodavna pomoć korisnicima, obavlja edukativni rad i vrše različite analize u oblasti gerontologije u cilju poduzimanja odgovarajućih mjera za unapređenje kvaliteta života u starosti.”

Član 2.

Član 22. mijenja se i glasi:

„Poslovi i zadaci iz nadležnosti Gerontološkog centra obavljaju se putem sljedećih službi:

- a) Služba pravnih i općih poslova,
- b) Služba materijalno – finansijskih i računovodstvenih poslova,
- c) Služba socijalnog rada,
- d) Služba zdravstvene zaštite i njege,
- e) Služba ishrane,
- f) Služba servisnih usluga,
- g) Služba za edukaciju, plan i analizu i
- h) Unutrašnja služba zaštite.“

Član 3.

Član 23. se briše.

Član 4.

U članu 24., u stavu (1), riječi: „*Prilogom Pravilnika o radu o unutrašnjoj organizaciji i sistematizaciji poslova Gerontološkog centra*”, zamjenjuju se riječima: „*Pravilnikom o radu sa unutrašnjom organizacijom i sistematizacijom poslova Gerontološkog centra*”.

Član 5.

U članu 27., u stavu (1), tačka 1), alineja a) mijenja se i glasi:

„*a) donosi Pravila Gerontološkog centra i Pravilnik o radu sa unutrašnjom organizacijom i sistematizacijom poslova Gerontološkog centra, uz saglasnost Ministarstva za rad, socijalnu politiku, raseljena lica i izbjeglice Kantona Sarajevo,*”

Član 6.

U članu 28. briše se riječ: „*redovnom*“.

Član 7.

(1) **U članu 32., u stavu (1), u alineji d),** iza zareza se dodaju riječi: „*od kojih najmanje tri godine na rukovodećim poslovima,*“.

(2) **U članu 32., u stavu (2),** riječi: „*socijalnog rada, prava, ekonomije, psihologije ili zdravstva,*”, zamjenjuju se riječima: „*društvenih nauka.*”

Član 8.

Član 33. mijenja se, i glasi:

„Član 33.”

„(1) *Direktora Gerontološkog centra imenuje i razrješava Upravni odbor Gerontološkog centra, na osnovu javnog konkursa.*

(2) *Prilikom provođenja procedure izbora i imenovanja direktora Gerontološkog centra primjenjuju se odredbe važećeg Pravilnika o vrsti stručne spreme i proceduri izbora i imenovanja direktora javnih ustanova iz oblasti socijalne zaštite, koji donosi ministar za rad, socijalnu politiku, raseljena lica i izbjeglice Kantona Sarajevo.*

(3) *Prije objavljivanja konkursa, Upravni odbor je dužan donijeti Odluku o pokretanju procedure izbora i imenovanja direktora Gerontološkog centra, koja se dostavlja Ministarstvu za rad, socijalnu politiku, raseljena lica i izbjeglice Kantona Sarajevo.*

(4) *Upravni odbor objavljuje konkurs za izbor i imenovanje direktora Gerontološkog centra nakon prijema saglasnosti Ministarstva za rad, socijalnu politiku, raseljena lica i izbjeglice Kantona Sarajevo na Odluku iz stava (2) ovog člana, i to najmanje 60 (šezdeset) dana prije isteka mandata direktora Gerontološkog centra.*

(5) *Konkurs za izbor i imenovanje direktora Gerontološkog centra Upravni odbor objavljuje u jednom dnevnom listu i na web stranici Gerontološkog centra.*

(6) Upravni odbor je dužan da okonča postupak po konkursu u roku od 45 (četrdesetpet) dana od dana objavljivanja u dnevnom listu."

Član 9.

(1) U članu 35., stav (2) mijenja se, i glasi:

„(2) Nakon utvrđivanja rang liste kandidata, kandidat koji se nalazi na prvom mjestu rang liste, naknadno, u roku od 7 (sedam) dana od dana prijema zahtjeva Upravnog odbora za dostavljanje dokaza, Upravnom odboru obavezno dostavlja:

- a) ljekarsko uvjerenje nadležne zdravstvene ustanove koje nije starije od šest mjeseci,*
- b) uvjerenje o neosuđivanosti za krivično djelo koje je nespojivo sa obavljanjem dužnosti direktora Gerontološkog centra,*
- c) uvjerenje o neosuđivanosti za prekršaj koji je nespojiv sa obavljanjem dužnosti direktora Gerontološkog centra."*

(2) U članu 35., stav (3) se briše.

Član 10.

Član 37., mijenja se, i glasi:

„Član 37.”

„(1) Nakon utvrđivanja liste kandidata koji ispunjavaju uslove konkursa, Upravni odbor utvrđuje mjesto i vrijeme obavljanja intervjua i o tome kandidatima sa liste dostavlja pisanu obavijest.

(2) Upravni odbor obavlja intervjua i utvrđuje rang listu kandidata u skladu sa odredbama važećeg Pravilnika o vrsti stručne spreme i proceduri izbora i imenovanja direktora javnih ustanova iz oblasti socijalne zaštite u Kantonu Sarajevo i prije donošenja odluke o imenovanju za direktora kandidata koji se nalazi na prvom mjestu rang liste, od ovog kandidata zahtijeva dostavljanje dokaza o ispunjavanju uslova konkursa iz člana 35. stav (2) ovih Pravila.

(3) Nakon pribavljanja dokaza o ispunjavanju uslova iz člana 35. stav (2) ovih Pravila, Upravni odbor utvrđuje da li kandidat koji se nalazi na prvom mjestu rang liste ispunjava ove uslove.

(4) Ukoliko kandidat koji se nalazi na prvom mjestu rang liste, u roku od 7 (sedam) dana od dana prijema zahtjeva, Upravnom odboru ne dostavi dokaze iz člana 35. stav (2) ovih Pravila ili ukoliko Upravni odbor utvrdi da kandidat koji se nalazi na prvom mjestu rang liste ne ispunjava uslove iz člana 35. stav (2) ovih Pravila, Upravni odbor će provesti istu proceduru za sljedećeg kandidata sa rang liste."

Član 11.

Član 38. se briše.

Član 12.

U članu 42., u stavu (2), tačka I) se briše.

Član 13.

U članu 52. brišu se riječi: „*rukovodioci organizacionih jedinica i*”.

Član 14.

U članu 57. brišu se riječi: „*rukovodiocu organizacione jedinice ili*”.

Član 15.

U članu 58. brišu se riječi: „*u okviru organizacione jedinice Dom za zaštitu starih osoba*”.

Član 16.

U članu 59., stav (2), mijenja se i glasi:

„(2) *Pravila i Pravilnik o radu sa unutrašnjom organizacijom i sistematizacijom poslova Gerontološkog centra, Upravni odbor donosi uz saglasnost Ministarstva za rad, socijalnu politiku, raseljena lica i izbjeglice Kantona Sarajevo.*“

Član 17.

Ministarstvo za rad, socijalnu politiku, raseljena lica i izbjeglice Kantona Sarajevo daje saglasnost na ova Pravila o izmjenama i dopuni Pravila Kantonalne javne ustanove „Gerontološki centar”.

Član 18.

Ova Pravila o izmjenama i dopuni Pravila Kantonalne javne ustanove „Gerontološki centar” stupaju na snagu danom stupanja na snagu odluke o davanju saglasnosti Ministarstva za rad, socijalnu politiku, raseljena lica i izbjeglice Kantona Sarajevo.

Broj: 13- 999 /19
Datum: 15.07.2019.godine



PREDSJEDNIČI
ČLAN UPRAVNOG ODBORA

Mersad Bijkic

Bosna i Hercegovina
Federacija Bosne i Hercegovine
KANTON SARAJEVO
KANTONALNA JAVNA USTANOVA
„GERONTOLOŠKI CENTAR“
S A R A J E V O
- UPRAVNI ODBOR -

Broj: 13-~~998~~19.
Sarajevo, 15.07.2019.god.

Na osnovu člana 27. stav 1. alineja 6. Zakona o ustanovama (Službeni list RBiH br. 6/92, 8/93 i 13/94), člana 27. stav (1), tačka 1), alineja a) i člana 59. stav (2) Pravila Kantonalne javne ustanove „Gerontološki centar“, Upravni odbor KJU „Gerontološki centar“, na prijedlog v.d. direktora, na nastavku svoje 13. redovne sjednice, dana 15.07.2019.godine, d o n o s i:

O D L U K U

I

Donose se Pravila o izmjenama i dopuni Pravila Kantonalne javne ustanove „Gerontološki centar“.

II

Pravila o izmjenama i dopuni Pravila Kantonalne javne ustanove „Gerontološki centar“ dostaviti na saglasnost Ministarstvu za rad, socijalnu politiku, raseljena lica i izbjeglice Kantona Sarajevo.

III

Ova Odluka stupa na snagu danom donošenja.

O b r a z l o ž e n j e:

Nakon donošenja Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom-Prečišćeni tekst („Službene novine Kantona Sarajevo”, broj: 38/16), Upravni odbor je donio Pravila o izmjenama Pravila Kantonalne javne ustanove „Gerontološki centar” Sarajevo, broj: 10-1821/16 od 26.12.2016.godine, koja su dostavljena resornom Ministarstvu na saglasnost. Kako do danas saglasnost resornog Ministarstva na ovaj akt nije dostavljena, bilo je neophodno ponovo pristupiti usklađivanju Pravila KJU „Gerontološki centar” sa ovim Zakonom.

Navedenim Zakonom o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom izmijenjena su i brisane odredbe koje se odnose na Gerontološki centar, te su u tom smislu izmijenjene i odredbe Pravila Ustanove.

Nakon donošenja Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo”, broj: 28/18), bilo je neophodno pristupiti usklađivanju Pravila KJU „Gerontološki centar” sa ovim Zakonom, odnosno sa članom 113. stav 1. alineja 3. Zakona. Slijedom izmjena i dopuna Zakona, Upravni odbor je dana 08.11.2018.godine donio Pravila o dopuni Pravila Kantonalne javne ustanove „Gerontološki centar” Sarajevo, broj: 12-1455/18, te je ovaj akt dostavljen Ministarstvu za rad, socijalnu politiku, raseljena lica i izbjeglice Kantona Sarajevo na saglasnost. Obavještenjem, broj: 13-04/2-05-37088/18 od 28.11.2018.godine, Ministarstvo za rad, socijalnu politiku, raseljena lica i izbjeglice Kantona Sarajevo, je obavijestilo Upravni odbor da je Ministarstvo shodno zakonskoj obavezi, izradilo Pravilnik o vrsti stručne spreme i proceduri izbora i imenovanja direktora javnih ustanova iz oblasti socijalne zaštite i da je isti upućen na objavljivanje u „Službenim novinama Kantona Sarajevo”, te da bi bilo neophodno sačekati objavljivanje ovog Pravilnika pa tek nakon toga uskladiti Pravila sa Zakonom i Pravilnikom. Iz navedenog razloga Ministarstvo nije dalo saglasnost na dostavljeni tekst Pravila o dopuni Pravila Kantonalne javne ustanove „Gerontološki centar”, broj: 12-1455/18 od 08.11.2018. godine.

Nakon objavljivanja Pravilnika o vrsti stručne spreme i proceduri izbora i imenovanja direktora javnih ustanova iz oblasti socijalne zaštite („Službene novine Kantona Sarajevo”, broj: 49/18), pristupilo se usklađivanju Pravila Kantonalne javne ustanove „Gerontološki centar” sa Zakonom o izmjenama i dopunama Zakona o socijalnoj zaštiti,

zaštiti civilnih žrtava rata i zaštiti porodice sa djecom („Službene novine Kantona Sarajevo”, broj: 28/18) i Pravilnikom, u dijelu koji se odnosi na uslove i proceduru izbora i imenovanja direktora Ustanove. Shodno navedenom Upravni odbor je dana 28.12.2018.godine donio Pravila o izmjenama i dopuni Pravila Kantonalne javne ustanove „Gerontološki centar“, broj: 12-1677/18, te je ovaj akt dana 03.01.2019.godine dostavljen Ministarstvu za rad, socijalnu politiku, raseljena lica i izbjeglice Kantona Sarajevo na saglasnost.

Aktom, broj: 13-04/2-02-53/19 od 20.05.2019.godine Ministarstvo za rad, socijalnu politiku, raseljena lica i izbjeglice Kantona Sarajevo je obavijestilo v.d. direktora i Upravni odbor Kantonalne javne ustanove „Gerontološki centar“ da ovo ministarstvo ne može dati saglasnost na Pravila o izmjenama i dopuni Pravila Kantonalne javne ustanove „Gerontološki centar“, broj: 12-1677/18 od 28.12.2018.godine, koja je Upravni odbor donio Odlukom broj: 12-1677-1/18 od 28.12.2018.godine. Kao razlog zbog kojeg ministarstvo ne može dati saglasnost na dostavljena Pravila navedeno je da je ministarstvo u dijelu definisanja stručne spreme koju treba da ima direktor ustanove pripremio izmjene Pravilnika o vrsti stručne spreme i proceduri izbora i imenovanja direktora javnih ustanova iz oblasti socijalne zaštite („Službene novine Kantona Sarajevo”, broj: 49/18). Također je navedeno da će ustanove imati obavezu da nakon stupanja na snagu ovog pravilnika svoja Pravila usklade sa Zakonom o socijalnoj zaštiti, zaštiti civilnih žrtava rata i zaštiti porodice sa djecom i navedenim Pravilnikom.

Pravilnik o izmjeni Pravilnika o vrsti stručne spreme i proceduri izbora i imenovanja direktora javnih ustanova iz oblasti socijalne zaštite je objavljen u „Službenim novinama Kantona Sarajevo”, broj: 22/19, te je Upravni odbor ponovo pristupio usklađivanju Pravila Kantonalne javne ustanove „Gerontološki centar” sa Zakonom o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo”, broj: 38/16 i 28/18) i Pravilnikom o vrsti stručne spreme i proceduri izbora i imenovanja direktora javnih ustanova iz oblasti socijalne zaštite („Službene novine Kantona Sarajevo”, broj: 49/18 i 22/19).

Nakon detaljne analize Pravila KJU „Gerontološki centar” Sarajevo, bilo je potrebno određene odredbe ažurirati i uskladiti sa važećim propisima.

Nakon razmatranja predloženih izmjena i dopune odlučeno je kao u dispozitivu.

Dostavljeno:

2x resornom Ministarstvu

1x Služba za pravne i opće poslove Gerontološkog centra

1x arhiva Upravnog odbora

1x a/a

PREDsjedavajući
ČLAN PRAVNOG ODBORA

Mersad Bilkić